

O primeiro “Círculo Podemos” da bisbarra do Val Miñor se constituirá en Nigrán.

Escrito por Redaccion @valminorinfo
Xoves, 05 Xuño 2014 00:51



A pesar que [acadou 1.397 votos no Val Miñor](#) nas últimas eleccións europeas, a [formación política "Podemos"](#), de Pablo Iglesias, non tiña unha agrupación formalmente constituída na bisbarra. Co pulo de colocarse como carta forza electoral nos tres concellos miñoranos, agora [xa circula nas redes unha convocatoria](#) para conformar a primeira no concello de Nigrán. Será o vindeiro sábado 7 de xuño ás 18 horas nunha asemblea nos salóns do hotel Sotomayor (Rúa Rosalía de Castro, 7-9). Se ben o convite titúlase "Presentación Podemos Nigrán", en contacto con VM.info, matizouse que a idea é desenvolver unha primeira asemblea onde informar das bases de organización do "círculos" e evolucionar na conformación do grupo en outras vindeiras, "como se ten feito noutros municipios".

Segundo o texto da convocatoria, os temas principais que abordarán nesta primeira xuntanza será a presentación das bases políticas do movemento Podemos e informar como se están a organizar noutros concellos. O texto engade a intención de "Abrir a la ciudadanía un lugar en el que comunicarse y proponer iniciativas a nivel local". Tamén se tratará a organización de vindeiras asembleas de cidadáns "cara o futuro" así como un espazo final para rogos e preguntas.